



Broj: 01-16-1-1693-35 120  
Banja Luka, 14.08. 2020. godine

**UPRAVNI ODBOR  
UPRAVE ZA INDIREKTNO OPOREZIVANJE**

**Ured predsjedavajućeg**

**Predmet: Zahtjev za dodjelu sredstava iz budžeta za 2021. godinu**

Na osnovu člana 6. Zakona o finansiranju institucija Bosne i Hercegovine ( „Službeni glasnik BiH“, broj 61/04, 49/09, 42/12, 87/12 i 32/13), Ministarstvo finansija i trezora BiH, aktom broj: 05-16-2-5111-2/19 od 20.07.2020.godine dostavilo nam je Instrukciju sa uputstvima za pripremu zahtjeva za dodjelu sredstava iz Budžeta za 2021. godinu.

**Prema Instrukciji Ministarstva finansija i trezora BiH indikativna gornja granica rashoda za 2021. godinu, za Upravu za indirektno oporezivanje je 97.663.000 KM, od čega 97.643.000 KM iz budžeta, 20.000 KM iz primitaka ostvarenih prodajom stalnih sredstava, a planirani broj zaposlenih je 2591, te sve zahtjeve preko gornje granice rashoda treba iskazati kroz aneks.**

U skladu sa članom 14. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj 44/03, 52/04, 34/07, 49/09, 32/13, 91/17) dostavljamo vam na razmatranje i odobravanje Prijedlog budžeta Uprave za indirektno oporezivanje za 2021. godinu.

Gornjom granicom rashoda za Upravu za indirektno oporezivanje odobreno je 97.663.000 KM, od čega za:

- bruto plate i naknade plata 63.188.000 KM,
- naknade troškova zaposlenih 11.815.000 KM,
- materijalne troškove 16.015.000 KM,
- kapitalna ulaganja 6.645.000 KM.

Kako je ovaj iznos nedovoljan za funkcionisanje Uprave za indirektno oporezivanje i realizaciju prioriternih projekata da bi obezbijedili minimum za funkcionisanje, rukovodioci programa/sektora su se usaglasili da se sredstva odobrena gornjom granicom rashoda rasporede na tekuće izdatke u iznosu od 90.743.000 KM (bruto plate 62.750.000 KM, naknade troškova zaposlenih 11.415.000 KM i materijalne troškove 16.578.000 KM) i kapitalne izdatke u iznosu od 6.900.000 KM, a da se kroz Aneks budžetskog zahtjeva iskaže na poziciji tekućih izdataka 9.038.000 KM i kapitalnih izdataka 23.702.000 KM.

Uprava za indirektno oporezivanje je institucija od čijeg uspješnog funkcionisanja zavisi sveukupna makroekonomska stabilnost i fiskalna održivost svih nivoa vlasti u BiH, krenuvši od najvišeg državnog nivoa, pa do entitetskog i na kraju najnižeg lokalnog nivoa. O značaju Uprave za indirektno oporezivanje za ukupno funkcionisanje državnog i entitetskog nivoa vlasti govori podatak o učešću prihoda od indirektnih poreza u ukupnim poreskim prihodima u BiH u iznosu od cca 90%.

Prethodno navedeno jasno pokazuje da Uprava za indirektno oporezivanje ostvari 90% ukupnih poreskih prihoda od sve četiri poreske administracije u BiH. Korisnicima (država BiH, entiteti i Brčko Distrikt) prihoda od indirektnih poreza u 2019. godini, Uprava za indirektno oporezivanje je sa Jedinštenog računa, od ukupno naplaćenih prihoda u iznosu od 7,9 milijardi, doznačila 6,1 milijardu KM odnosno 269 miliona KM ili 4,58 % više nego u 2018. godini.

Značaj Uprave za indirektno oporezivanje potvrđen je i budžetom institucija BiH za 2020. godinu koji je objavljen u Službenom glasniku BiH broj: 46/20 prema kojemu će sa Jedinštenog računa Uprave za indirektno oporezivanje za funkcionisanje svih institucija BiH u 2020. godini biti obezbjeđeno 780 miliona KM što je cca 85% ukupnih prihoda koji služe za finansiranje institucija BiH. Takođe u preostalim cca 15% prihoda koji služe za finansiranje svih institucija BiH u 2020. godini nalaze se i značajne stavke za koje je takođe nadležna Uprava za indirektno oporezivanje i to:

1. Prihodi od taksu u postupku indirektnog oporezivanja (25 miliona KM) i
2. Naknade poreskih i kontrolnih markica UIO (cca 3 miliona KM).

Prioriteti djelovanja Uprave za indirektno oporezivanje zasnovani su na zakonom definisanoj nadležnosti Uprave za indirektno oporezivanje, na Srednjoročnom planu rada, na Projekciji prihoda od indirektnih poreza, na realizaciji mjera i zaključaka usvojenih od strane Upravnog odbora UIO, preporukama Međunarodnog monetarnog fonda na izvršavanju obaveza propisanih Akcionim planom Vijeća ministara BiH za provedbu reformske agende po pitanjima za koja je nadležna Uprava za indirektno oporezivanje, obavezama koje proizilaze za Upravu za indirektno oporezivanje iz Strategije integrisanog upravljanja granicom u Bosni i Hercegovini, obavezama iz drugih važećih strateških dokumenata u BiH (Strategija reforme javne uprave u institucijama BiH, Strategiji razvoja internih finansijskih kontrola u institucijama BiH, Strategiji upravljanja javnim finansijama u institucijama BiH) po pitanjima iz djelokruga rada Uprave za indirektno oporezivanje, kao i obavezama po osnovu ostalih strateških dokumenata u Upravi za indirektno oporezivanje (Strategija unaprjeđenja poštovanja propisa u oblasti indirektnih poreza, Strategija upravljanja rizicima u Upravi za indirektno oporezivanje i dr.).

Prioritetna aktivnost Uprave za indirektno oporezivanje je kontinuirano obezbjeđivanje jednoobrazne primjene propisa o indirektnim porezima na cijeloj teritoriji BiH i efikasno funkcionisanje sistema naplate prihoda od indirektnih poreza i raspodjele prihoda, te praćenje izvršavanja obaveza poreskih obveznika. Za realizaciju naplate indirektnih poreza jednaka pažnja se posvećuje i naplati uvoznih dažbina kao i naplati indirektnih poreza u unutrašnjem prometu.

**Za prethodno navedenu aktivnost zaduženi su svi sektori unutar Uprave za indirektno oporezivanje. Kako bi se svi poslovni procesi uspješno odvijali, a od čega zavisi efikasno funkcionisanje sistema naplate indirektnih poreza i raspodjele prihoda, te praćenje izvršavanja obaveza poreskih obveznika, neophodno je da se Upravi za indirektno oporezivanje obezbijede materijalno tehnička sredstva, prije svega putnička motorna vozila, računarska oprema (desktop računari i laptopi) te štampači, skeneri odnosno multifunkcionalni kopir aparati.**

Uprava za indirektno oporezivanje svoju djelatnost obavlja u Središnjem uredu i u četiri regionalna centra, a poslovi iz osnovne nadležnosti su između ostalog: registracija i upis u Jedinstveni registar obveznika indirektnih poreza kao i deregistracija te kontrola PDV-a, povrat PDV-a poreskim obveznicima (samo u 2019. godini izvršeni su povrati obveznicima indirektnih poreza u iznosu od 1,4 milijarde KM). Prethodno navedeni postupci podrazumjevaju provođenje upravnog postupka kroz terenski rad. Činjenica je da UIO trenutno radi u otežanim uslovima zbog nedostatka opreme tako da u nekim organizacionim jedinicama npr. Sektora za poreze nema nijednog putničkog vozila, a u tim jedinicama se vrše registracija i deregistracija poreskih obveznika, povrat plaćene akcize na lož ulje, odlazak na sudove zbog prekršajnih naloga i sl. Takođe, kao primjer se može navesti i to da kontrolne grupe Sektora za poreze u RC Banja Luka, trenutno raspolažu sa 56 poreskih inspektora i 17 putničkih vozila, koja su stara već više godina odnosno po 15 godina. Problem u radu pojavljuje se zbog tog što RC Banja Luka pokriva široko područje od Jajca-Sanskog Mosta-Šamca, te je nemoguće izvršiti kontrole blagovremeno u određenom mjestu. Npr. u jednom danu stigne više Naredbi Tužilaštva BiH koje se moraju odmah izvršiti, a obveznici koji trebaju biti predmet kontrole nalaze se na geografski različitim lokacijama.

Za potrebe izrade budžetskog zahtjeva za 2021. godinu naveli smo primjer RC Banja Luka, ali ovim putem napominjemo da je podjednako loša situacija i u ostalim regionalnim centrima Uprave za indirektno oporezivanje.

Osim problema sa zastarjelim vozilima i sa nedostatkom vozila uopšte, da bismo uspješno funkcionisali neophodna nam je računarska oprema, koja je takođe stara odnosno većina računara koja se koristi od strane službenika Uprave za indirektno oporezivanje, nabavljena je 2005. godine. Službenici svakodnevno imaju problem u radu, jer su računari stari, spori i jednostavno neupotrebljivi. U toku rada, računari se isključe, ne mogu se posle uključiti, unatoč naporima kolega iz Sektora za informacione tehnologije da računare osposobe za minimum rada. Osim toga, stanje sa laptopima je takođe veoma loše. Inspektori bi trebalo na teren da nose laptop i paralelno dok vrše kontrolu, vrše i izradu zapisnika, što bi poslovne procese učinilo ekonomičnijim i efikasnijim. Na žalost, u Sektoru za poreze odnosno u svim regionalnim centrima Uprave za indirektno oporezivanje, broj laptopa koji su u upotrebi je cca 1% od ukupnog broja inspektora.

Inspektori Sektora za poreze koji svakodnevno idu na teren zastarjelim i nesigurnim putničkim vozilima i koji rade na zastarjelim računarima, bez laptopa su za period januar -

decembar 2019. godine (dvanaest mjeseci) izvršili ukupno 10.478 kontrola. U izvršenim upravnim postupcima (kontrolama) za januar - decembar 2019. godine utvrđeni bruto efekat je u iznosu od 93.303.286 KM.

Činjenica je da bi u slučaju neodobravanja sredstava za opremu (putnička motorna vozila, desktop računari, laptopi i multifunkcionalni kopir aparati), Uprava za indirektno oporezivanje u 2021. godini mogla doći u situaciju nemogućnosti odnosno otežanog ostvarenja postavljenih ciljeva koji su jasno definisani Programom rada UIO.

Prijedlog budžeta za 2021. godinu iskazan je u izvještaju iz Informacionog sistema za planiranje i upravljanje budžetom (BPMIS) i to, po programima<sup>1</sup> i linijski (po analitičkim ekonomskim kategorijama), te u dodatnim tabelama:

- pregled kapitalnih ulaganja (osnovni zahtjev i aneks),
- tabela bilanse,
- pregled višegodišnjih kapitalnih ulaganja,
- pregled IPA projekata,
- pregled zakupa,
- pregled plata,
- pregled rashoda.

**Budžetski zahtjev Uprave za indirektno oporezivanje za 2021. godinu iznosi 130.403.000 KM. Od tog iznosa, u osnovnom zahtjevu 97.663.000 KM, koliko iznosi indikativna gornja granica rashoda za Upravu, a kroz aneks je iskazan zahtjev za dodatnim sredstvima u iznosu od 32.740.000 KM (iznad limita).**

**Struktura ukupno planiranog budžeta po ekonomskim kategorijama je:**

- bruto plate 62.750.000 KM,
- naknade troškova zaposlenih 11.415.000 KM,
- izdaci za materijal i usluge 25.616.000 KM,
- kapitalni izdaci 30.602.000 KM,
- kapitalni izdaci iz ostvarenih prihoda od prodaje stalne imovine 20.000 KM.

**Od ukupno planiranih rashoda, kroz osnovni zahtjev planirano je za:**

- bruto plate 62.750.000 KM,
- naknade troškova zaposlenih 11.415.000 KM,
- izdatke za materijal i usluge 16.578.000 KM,
- kapitalne izdatke 6.900.000 KM,
- kapitalne izdatke iz ostvarenih prihoda od prodaje stalne imovine 20.000 KM,

**a kroz aneks (iznad limita) 32.740.000 KM za:**

- izdatke za materijalne troškove 9.038.000 KM,
- kapitalne izdatke 23.702.000 KM.

---

<sup>1</sup> Prema Odluci o programskoj strukturi i određivanju rukovodilaca programa iz srednjoročnog plana rada UIO za period 2020.-2022. godina broj:01-02-2-434-16/19 od 11.04.2019. godine u Upravi je definisano šest programa, te rukovodioci programa.

Vezano za planirane izdatke u 2021. godini dajemo sljedeće obrazloženje.

### **1. Tekući izdaci**

Uprava za indirektno oporezivanje u osnovnom zahtjevu planirala je za 2021. godinu tekuće izdatke u iznosu od 90.743.000 KM od čega za:

- bruto plate 62.750.000 KM,
- naknade troškova zaposlenih 11.415.000 KM,
- izdatke za materijal i usluge 16.578.000 KM.

Za bruto plate zaposlenih planiran je iznos od 62.750.000 KM. Plan izdataka za plate i naknade je urađen na bazi broja zaposlenih 2591 i iznosa plata i naknada u skladu sa Zakonom o platama i naknadama u institucijama Bosne i Hercegovine („Službeni glasnik BiH“, broj 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 94/16, 72/17 i 25/18) i osnovici za obračun plate od 475,69 KM. Kod projekcije bruto plata obračunato je uvećanje plate po osnovu člana 36. Zakona o platama i naknadama u institucijama Bosne i Hercegovine (uvećanje za rad noću, rad nedeljom i rad na dane praznika), dodatak na osnovnu platu po osnovu člana 26. stav (1) tačka a) (radni staž) i tačka b) alineja 2) (dodatak na posebna ovlaštenja). U Upravi za indirektno oporezivanje (na osnovu podataka o zaposlenim na dan 30.06.2020. godine i radnim mjestima čije popunjavanje je planirano u toku 2021. godine) uvećanje plate po osnovu rada noću, nedeljom i na dane državnih praznika u 2021. godini ostvarivaće 649 zaposlenih, a dodatak na platu po osnovu posebnih ovlaštenja (20%) 1764 zaposlenih. Novo zapošljavanje je planirano za 133. zaposlena od mjeseca aprila 2021. godine.

Pravilnikom o unutrašnjoj organizaciji Uprave za indirektno oporezivanje („Službeni glasnik BiH“ broj 29/13, 11/16, 72/16, 47/17, 55/17 i 41/19) na radnim mjestima u organizacijskim jedinicama sistematizovano je ukupno 2879 izvršioaca, a prema stanju na dan 30.06.2020. godine, u Upravi za indirektno oporezivanje ima 2438 zaposlenih (od kojih je u stalnom radnom odnosu 2306 izvršioaca). U toku je završetak procedure prijema 92 državna službenika po javnom oglasu raspisanom 07.02.2020. godine. U cilju popunjavanja upražnjenih radnih mjesta, na kojima se pokazuje najveći nedostatak izvršioaca, Uprava za indirektno oporezivanje je prema Vijeću ministra BiH pokrenula proceduru za zapošljavanje dodatnih 133 izvršioaca.

Sredstva za bruto plate i naknade plata planirana su na temelju osnovice za obračun plate u iznosu od 475,69 KM i broja zaposlenih u okviru indikativne gornje granice rashoda za 2021. godin - 2591.

Prema Pravilniku o unutrašnjoj strukturi i sistematizaciji radnih mjesta organizacionih jedinica Upravnog odbora Uprave za indirektno oporezivanje sistematizovano je 13 radnih mjesta, a trenutno je zaposleno 11 izvršioaca.

**Za naknade troškova zaposlenih u 2021. godini za 2591 zaposlenih planiran je iznos 11.415.000 KM.** Visina naknada troškova zaposlenih utvrđena je u skladu sa Zakonom o platama i naknadama u institucijama Bosne i Hercegovine u dijelu koji se odnosi na naknade zaposlenih, te važećim propisima koji se odnose na naknade (naknada za prevoz, topli obrok, regres, jubilarne nagrade, pomoći, otpremnine za odlazak u penziju).

U toku 2021. godine po osnovu navršениh 65 godina života, odnosno navršениh 40 godina radnog staža penzionisaće se ukupno 62 zaposlena.

**Za materijalne troškove u 2021. godini planirana su sredstva u iznosu od 25.616.000 KM, od toga kroz aneks 9.038.000 KM.** Obrazloženja po pojedinim ekonomskim pozicijama data su u izvještaju iz Informativnog sistema za planiranje i upravljanje budžetom (BPMIS) po programima, koji je u prilogu.

Kroz aneks na pozicijama materijalnih troškova su iskazane sljedeće potrebe:

- izdaci za nabavku smartCart paketa 1.900.000 KM(Sektor za IT je ukazao na neophodnost nabavke u ukupno planiranim iznosima obzirom da je planirano da Uprava do 01.01.2021. godine dobije status certifikacionog tijela, te započne izdavanje premetnih paketa obveznicima),
- nabavka uniforme 700.000 KM,
- izdaci za tekuće održavanje objekata i opreme na graničnim prijelazima 2.238.000 KM,
- izdaci za održavanje informativnog sistema UIO 4.200.000 KM ( održavanje Poreskog informativnog sistema 2.200.000 KM, održavanje NCTS-a 2.000.000 KM). S obzirom da Uprava ima softificirana softverska rješenja (carinski i poreski podsistem) bazirana na najmodernijim tehnologijama potrebna su značajna sredstva za njihovo održavanje.

Na osnovu plana službenih putovanja organizacionih jedinica Uprave za indirektno oporezivanje za 2021. godinu procijenjeni troškovi smještaja i dnevnica po osnovu službenih putovanja iznose 843.000 KM. Imajući u vidu izvršenje na budžetskoj poziciji 6131-putni troškovi 2018. godine (451.685 KM), 2019. godine (441.010 KM) te izvršenje na dan 30.06.2020. godine (100.793 KM KM), Uprava za indirektno oporezivanje je za 2021. godinu planirala putne troškove u iznosu 500.000 KM, te uzimajući u obzir i ograničena sredstva za budžet nije iskazala zahtjev za dodatnim sredstvima.

U skladu sa članom 13. Zakona o sistemu indirektnog oporezivanja u Bosni i Hercegovini ("Službeni glasnik BiH ", broj 44/03, 52/04, 34/07, 49/09, 32/13 i 91/17) u budžetu Uprave za indirektno oporezivanje posebno se planiraju troškovi Upravnog odbora Uprave za indirektno oporezivanje. U 2021. godini za rad Upravnog odbora planirana su sredstva u iznosu od 473.000 KM od čega za:

- bruto plate 373.000 KM ( za 11 zaposlenih),
- naknade troškova zaposlenih 33.000 KM (za 11 zaposlenih),
- materijalne troškove 67.000 KM (naknade članovima Upravnog odbora i ostali materijalni troškovi).

Iskazane potrebe organizacionih jedinica Upravnog odbora za kapitalnim izdacima (namještaj, računari, oprema) iskazani su u okviru ukupnih kapitalnih izdataka Uprave za indirektno oporezivanje.

## **2. Kapitalni izdaci**

**Uprava za indirektno oporezivanje u 2021. godini planirala je kapitalna ulaganja u iznosu od 30.622.000 KM.**

**Kroz osnovni budžetski zahtjev iskazana su kapitalna ulaganja u vrijednosti 6.920.000 KM, od čega 20.000 KM prihod od prodaje stalne imovine, a kroz aneks 23.702.000 KM.**

U osnovnom budžetskom zahtjevu, planirana je:

- izgradnja graničnog prijelaza Svilaj 3.949.316,06 KM,
- izgradnja graničnih prijelaza Klobuk i Zupci 2.000.0000 KM
- nabavka namještaja 100.000 KM,
- nabavka kompjuterske opreme 415.000 KM,
- nabavka motornih vozila 120.000 KM (20.000 KM od prihoda ostvarenog prodajom stalne imovine),
- nabavka elektronske opreme 149.000 KM,
- nabavka mašina, uređaja i alata 1.000 KM,
- nabavka ugrađene opreme 60.000 KM,
- nabavka inventara 5.000 KM,
- nabavka serverskih Windows i ostalih licenci 120.000 KM.

#### *Izgradnja graničnog prelaza Svilaj*

Za Granični prelaz Svilaj je ishodovana građevinska dozvola, odabran izvođač radova i isti uveden u posjed, radovi u toku. Ugovorena vrijednost radova 18.713.999,35 sa PDV-om. Uprava za indirektno oporezivanje putem Vijeća ministara i EIB-a je obezbijedila potrebna finansijska sredstva, završetak radova očekuje se krajem I kvartala 2021. godine.

Prema Odluci o odobravanju projekta nabavke i izgradnje objekta za regionalne centre i Središnji ured Uprave za indirektno oporezivanje Bosne i Hercegovine i izgradnje i rekonstrukcije graničnih prijelaza („Službeni glasnik BiH“ br. 20/15, 5/17, 84/19 i 16/20) u Budžetu 2021 godine za izgradnju GP Svilaj treba se obezbijediti 3.949.316,06 KM.

#### *Izgradnja graničnog prelaza Klobuk i Zupci*

Vijeće ministara Bosne i Hercegovine i Vlada Crne Gore su dana 07.10.2010. godine potpisale Sporazum između Vijeća ministara BiH i Vlade Crne Gore o graničnim prijelazima za međunarodni promet koji je ratifikovan od strane Predsjedništva Bosne i Hercegovine na 12. sjednici održanoj dana 15.09.2011. godine i Odluka o ratifikaciji navedenog Sporazuma je objavljena u („Službeni glasnik BiH- Međunarodni ugovori“ broj 09/11).

Pored naprijed navedenog Sporazuma, Predsjedništvo BiH je na 59.sjednici od 27.07.2009. godine donijelo je Odluku o ratifikaciji Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima („Službeni glasnik BiH-Međunarodni ugovori“ broj 7/09) u kojem je između ostalog definisano područje zajedničkog graničnog prijelaza, obavljanje graničnih provjera, mjesto za obavljanje graničnih provjera i druga pitanja i za nadzor za provođenje ovog sporazuma određeno je Ministarstvo bezbjednosti BiH.

U svrhu realizacije odredbi ovog sporazuma Vijeće ministara BiH i Vlada Crne Gore su pripremile nacrt Aneksa Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prelazima u kojima su predložene lokacije zajedničkih graničnih prijelaza za međunarodni putnički i robni saobraćaj. Predloženim aneksima na navedeni Sporazum predviđene su četiri zajedničke lokacije i to: Šćepan polje-Hum u Šćepan polju-Crna Gora, Vračenovići-Deleuša u Vračenovićima-Crna

Gora, Ilino Brdo-Klobuk u Klobuku-BiH, Sitnica-Zupci u Zupcima-BiH, u cilju pojednostavljenja zajedničkih graničnih kontrola na zajedničkim graničnim prijelazima.

Aneksom Sporazuma predložene su zone zajedničkih prijelaza i određeno je da nadležni organi strana potpisnica obezbijede za potrebe nadležnih službi BiH i Crne Gore prostore za Graničnu policiju i Upravu carina adekvatne površine, zajednički prostor, dvostruke kontrolne kabine, kolsku vagu koja će se zajedno koristiti, prostor za inspekcijski nadzor (veterinarski i fitosanitarni) i drugi odgovarajući prostor neophodan za vršenje zajedničke granične kontrole.

Kako su navedenim Sporazumom i aneksom granični prelazi Klobuk i Zupci određeni kao zajedničke lokacije na BiH strani, da bi UIO realizovala preuzete obaveze Vijeća ministara BiH, neophodno je u budžetskom zahtjevu UIO za 2021. godinu zahtijevati obezbjeđivanje finansijskih sredstava za realizaciju navedene obaveze, odnosno izgradnju graničnog prelaza Klobuk i Zupci, kao zajedničke lokacije, koja sredstva su iskazana na bazi procijenjenih vrijednosti radova i opreme, za realizaciju navedene obaveze.

Budžetom za 2021. godinu UIO je planirala 2.000.000,00 KM za izgradnju Graničnog prelaza Klobuk i Zupci shodno preuzetim obavezama, a u skladu sa Srednjoročnim planom rada UIO 2021-2023 godine, UIO je za ovu namjenu planirala sredstva u ukupnom iznosu od 4.000.000,00KM.

Napominjemo da je Republika Crna Gora obavijestila UIO da planiraju okončanje radova na zajedničkoj lokaciji Vračnovići-Deleuša do 15.septembra 2020. godine.

Kroz aneks je iskazan zahtjev za kapitalnim izdacima u vrijednosti od 23.702.000 KM i to:

- nabavka zemljišta i projektne dokumentacije za potrebe izgradnje graničnih prijelaza za pogranični promet (13 lokacija - izgradnja će se finansirati iz IPA projekata) 950.000 KM,
- izgradnja objekta za aerodrom Banja Luka 3.000.000 KM,
- unutrašnji radovi, nabavka i ugradnja arhivskih regala na Arhivu Mostar 850.000 KM (do kraja 2020. godine planiran je završetak radova na izgradnji Arhiva Mostar, te je za stavljanje objekta u funkciju potrebno nabaviti predmetnu opremu),
- upotrebne dozvole, saglasnosti, projektna dokumentacija 500.000 KM,
- izgradnja graničnog prijelaza Uvac 500.000 KM,
- izgradnja graničnog prijelaza Strmica 500.000 KM,
- nabavka kontejnera- radni 100.000 KM,
- nabavka kontrolnih kabina-visokih 100.000 KM,
- nabavka sanitarnih kontejnera 130.000 KM,
- nabavka kontrolnih kućica 100.000 KM,
- nabavka opreme 4.262.000 KM (namještaj 318.000 KM, kompjuterska oprema 231.000 KM, oprema za prenos podataka i glasa 20.000 KM, motorna vozila 1.330.000 KM, elektronska oprema 2.035.000 KM, fotografska oprema 22.000 KM, mašine urađaji alati 189.000 KM, ugrađena oprema 89.000 KM, ostala oprema 28.000 KM). U prethodnom tekstu Uprava je detaljno obrazložila potrebe za ovom vrstom opreme, pogotovo u Sektoru za poreze.
- nadogradnja Carinskog informacionog podsistema-AW 1.250.000 KM,
- nadogradnja Poreskog informacionog podsistema 2.200.000 KM (kako bi blagovremeno tehnički podržali promjene u zakonskoj regulativi, koje se dotiču kako carinske tako i poreske politike potrebno je planirati nadogradnju postojećih aplikacija),
- informacioni podsistem za finansijsko upravljanje 5.000.000 KM,



- aplikacija za upravljanje ljudskim resursima 800.000 KM (Upravi je potrebna sveobuhvatna aplikacija za upravljanje ljudskim resursima, s obzirom na broj zaposlenih i poslovne procese koji se odvijaju u okviru upravljanja ljudskim resursima, a što je detaljno pojašnjeno u Izvještaju iz informacionog sistema za planiranje i upravljanje budžetom-BPMIS),
- rekonstrukcija i dogradnja graničnog prijelaza Čepikuće 800.000 KM,
- rekonstrukcija i dogradnja graničnog prijelaza Brod 800.000 KM,
- rekonstrukcija graničnih prijelaza za pogranični promet (Hadžin Potok, Mokronozi, Arandelovo, Unka, Vir) 130.000 KM,
- led rasvjeta (GP Rača, Izačić i Gradiška) 150.000 KM,
- investiciono održavanje GP za robni i pogranični promet 1.000.000 KM.

Detaljna struktura kapitalnih ulaganja data je u tabelama i izvještajima u prilogu.

**Prilozi:**

- Izvještaji iz BPMIS,
- Tabele uz budžetski zahtjev prema Instrukciji broj 2,
- Tabelarni pregled budžetskog zahtjeva.



25  
**DIREKTOR**  
*Miro Džakula*  
**Dr. Miro Džakula**

**Dostaviti:**

- Naslovu
- Kabinetu direktora
- ☉ Sektoru za poslovne usluge (02, 02/4-1)
- a/a